

## **GrønlandsBANKEN-imi akissarsiaqartitsinermut politikki**

GrønlandsBANKENip akissarsiaqartitsinermut politikiani ilaatinneqarput siulersuisut, qullersaq sulisullu, aningaseriviup navialiffiginnaasaanut atatillugu pingaaruteqartumik sunniutilimmik inissisimasut aammalu aningaaserivimmi sulisuusut sinneruttut allat.

Akissarsisitsisarnermut politikki aqqutigalugu GrønlandsBANKEN-imi navialisinnaanerup isumannaatsumik aqqissugaalluartumillu ingerlanneqarnissaa isumannaarniarneqarpoq aammalu anguniarneqarluni piffissaq ungasinnerusooq isigalugu aningaaseriviup piginnittaanut iluanaarutisiassaqaqartitsinissaq. Akissarsiaqartitsinikkut pitsaasumik peqqissumillu aningasaqarnermik aqutsineq siuarsarneqarpoq taamatut iliornikkut navialisinnaanerumut naammattumik eqqumaarinngissinnaaneq imal. piffissaq sivikitsoq taamallat illuinnaasiorlunilu eqqarsarnikkut pisinnaasut, sulissanik piginneqataasunillu kiisalu aningaaseriviup piffissami ungasinnerusumi pisariaqartitaanik siunnerfiinillu, aningaaseriviup niueriaasiaani periusissiaanilu nassuiarneqartunt, eqqornerlunneqarsinnaaneri pakkersimaarneqarlutik. Tamakkulu saniatigut akissarsiaqartitsinermik ingerlatseriaatsip naapertuuttumik malippai aningaaserinermik ingerlatsiviit pillugit inatsimmi § 77 a-d-mi aammalu aningaasarsiaqartitsineq pillugu ilisimatitsissut nr. 257, 14. arts 2017-imi aammalu CRR-imi aaliangersakkat kiisalu Torersumik Suliffeqarfimmik Ingerlatsinissaq (Corporate Governace) pillugu, allanneqarsimasut.

### **Siulersuisut**

Siulersuisunut aningasarsiaritinneqartartut qaavisigut allanik tunniussisoqarneq ajorpoq, apeqqutaatinnagit pineqartut aaliangersimasumik akissarsiaaneri, piginneqataassutaaneri, periarfissat soraarnermusiassallunniit pineqarneri. Siulersuisuni ilasortat aaliangersimasumik angissusiligaasumik akissarsiaqartinneqarput, tassani siulittaasuusooq tunngavigisap marloriaataanik tulliusorlu tunngaviup aappaata affaanik angissusilikkanik akissarsitinneqartarlutik. Siulersuisunut akissarsiarititaasut annertussusii ukiumut nalunaarummi takuneqarsinnaapput.

### **Pisortaq**

Pisortaq aningaasarsiarititaasut soraarnermusiassallu, ukiumoortumik akiliunneqarluni aallarsinnaanerit, biileqartitaaneq, telefoneqartitaaneq aammalu interneteqartitaaneq isumaqatigiissuteqarneq naapertorlugu angissusilersugaasumik tunniunneqartarput. Pisortarlu atorfeqartitaanermi taaneqartut qaavisigut akissarsialersorneqarneq ajorpoq. Pisortap soraarnermusiassai aaliangersimasumik aningaasarsiap 18%-erivai qaavatigullu suliat tunngavigalugit tunuarnermusiassat/soraarnermusiassat ilaqartinneqarput, ataani nassuiarneqartutut ilusiligaasunik.

Siulersuisut pisortarlu soraarnermut atatillugu pissarsiassaanik isumaqatigiissuteqarnikuupput, qaavatigut suliaqarneq tunngavigalugu ilassutissaniktunuarnermut/soraarnermut atatillugu tunniunneqartussanik. Pineqartut annertussusissaat tunniunneqarnissaallu aqunneqarput piffissalersugaasumik pisortap atorfeqartitaaneranik aammalu aningaaseriviup qanoq angusaqarneranik angissusiligaallutik aningaaseriviit angeqqatitut sanilliunneqarsinnaasut akornanni tunniuttagaasunut napertuuttunik. Soraarnermi tunniunneqartussat affai aningaaserivimmi piginneqataassutaapput affaalu tigussaasumik aningaasaallutik katillugit qaammatini 024-ini aningaasarsiatut naleqartut.

### **Navialiffiusinnaasut iluini pingaarutilimmik akisussaaffillit**

Aningaaseriviup avataanit piumasarisaasunut atatillugu aqutsinera aammalu aningaseriviup nakkutiliinissaanik aqutsinera inuttaalersugaavoq inunnik naviliasinnaanerumut atatillugu annertuunik akisussaaffeqartinneqartunik, taamatullu inissisimasuupput aningaaserivimmi pisortamut tulliusooq, naatsorsuuserinermilu pisortaq.

Sulisut, aningaasiviup navialisinnaaneranut sammisunik malunnaatilimmik akisussaataitaasut, aningasarsiarisami qaavatigut nikerarsinnaasunik, soorlu piginneqataassutininik, periarfissiissutinik imal. sorarnermusiassanik, tigusassaqaqartitaanngillat.

Taaneqartutulli inissisimasut nikerartumik akilerneqarsinnaapput ajungitsorsiatut ukiumut annerpaamik 100.000 koruuniusunik. Taamatut tunniussisinnaanermi apeqqutaaput suliat tunngaviumit annertunerusimanagerat, angusarissaartitseqataasimanagerat aammalu aqutsinermi pitsaasumik takutitsisimanagerat. Navialiffiusinnaasunut annertuumik akisussaataasut aningaasanik ajunngitsorsiasitinneqarsinnaanerat uuttoqqissaarneqarsinnaasunik tunngaveqanngillat soorlu tuniniaarnerup imal. ingerlatsinerup iluini allaaveqartumik aammalu ajunngitsorsialiinermi aallaviuneq ajorlutik angusat qanoq issimanageri.

Navialiffiusinnssunik suliaqartut tunuarnermut atatillugu immikkut isumaqatigiissuteqarfigineqanngillat, kisiannili soraarnerup kingorna illuatungeriinnit piffissaliussaaniikuusooq qaammatinik marlunnik sivitsuuserneqarluni. Navialiffiusinnaasunik suliaqartut soraarnermusiassaata tamanut atuuttumik isumaqatigiissutaasut sinaakkutaralugit suliaapput.

### **Sulisut allat**

#### *Qiimmaassaasiissutitut ajunngitsorsiarititat*

GrønlandsBANKEN qiimmaassaassissutitut ajunngitsorsianik tunniussisinnaavoq tamakkiisumik naliliineq tunngavigalugu, tunniunneqarsinnaasullu amerlanerpaamik 100.000 kr.usinnaapput. Tunniussat katillutik annerpaamik aningaaseriviup aningaasarsiatut tunniuttagaasa 2%-erisinnaavaat. Tunniusinermi nalilersorneqartarput ukiup ingerlanerani qanoq sulilluarsimatigineq, tunngaviliussamit annertunerusumik sulisariaqarsimaneq, naammaginarluinnartumik takutitsisimaneq aammalu aqutsitut takutitsilluarsimaneq, ajunngitsorsiatullu tunniussinerit pisarput tuniaanermi, ingerlatsinerim imal. ingerlatsinerim angusat allatullu uuttoqarsinnaasut tunngaviginagit. Sulisorisat nakkutilliinermik suliaqartut suliaminnut tulluussagaasumik pitsaanerpaamik angusaqarneq tunngavigalugu akilerneqartarput tassani pingaartinneqarluni iluanaarutisiap sulisup naliliisinnaassusianut pituttugaanngitsumillu sulisinnaaneranut aporaatsitsinnginnissaat. Iluanaarutisiaq tunniunneqartarpoq suleriuseq "isit sisamat" tunngavigalugu, tassani qaninnerpaatut qullersarisaq pisortarlu iluanaarutisiassamik inassuteqartuullutillu akuersiartuullutik.

#### *Tamanut ajunngitsorsianik tunniussinerit*

GrønlandsBANKENimi sulisut allat eqqarsaatigalugit ataatsimut tunniunneqarsinnaasunik kaammattuutitut tunniussassanik pilersitsisoqarnikuuvoq, taakkulu tunniunneqarsinnaapput makkununga sammisut utortarneqarnerisigut: Sulisut. Inuiaqatigiit, Ingerlanneqartut aammalu aningaasaqarneq. Ataatsimoortumik ajunngitsorsiarititat atorlugit sulisut aningaaseriviup piffissaq ungasinnerusooq isigalugu ataatsimoorluni suliniuteqarnermut atasumik tunniunneqartarput. Taamatut tunniunneqartut annerpaamik aningaaseriviup tamakkiisumik aningaasarsiatut tunniuttagaasut 4%erisinnaavaat sulisummullu ataatsimut annerpaamik 20.000 kr.-usinnallutik. 2018-imi sulisunut ataasiakkaanut tamanut immikkut tunniunneqartut 10.750 kr.-upput. Ukiut tamaasa pineqartoq nalilersuiffiqineqartussanngorlugu qaqqineqartarpoq.

Qulaani malittarisassiarineqartut atuupput aningaaseriviup atorfilittaminut akissarsiaritittagaanut tunngapput sulisunut siunnersuisartunut, kredit-isisitsisartunut sallunaaveeqquserisartunullu allatulluunniit illusinernut atatillugu sillimmasionermik suliaqartartunut, isumannaarumallugu psioqassanngimmat aningaaseriviup navialissinnaaneranut qaffassaataasinnaasunik. Taasat saniasigut aningaasarsisitsisarneq aallaaveqanngilaq illusiliiniarnermut allatullu tunisaqarnermut atatillugu qinnuteqaatit qassiunerik qassillu pilersinneqarsimanagerik tunngaviligaasumik.

### **Akissarsisitsisarnernut ataatsimiititaliaq**

GrønlandsBANKEN akissarsisitsisarnernut ataatsimiititaliamik pilersitsinikuuvoq, tassanilu issiapput siulersuisuni siulittaasooq, siulittaasup tullia aammalu sulisunit sinniisitut toqqagaasooq.

Akissarsianut ataatsimiititaliap ukiumoortumik misissorlugillu nalilersortarpei siulersuisunut pisortamullu akissarsiarititaasimasut sulinermini ilaatigut aningaaserivinni allani pisartunut sanilliussuinikkut. Akissarsiallu pillugit ataatsimiititaliap alaatsinaallugillu isumannaarniartarpaat annertuumik navialiffiusinnaasuni akisussaasuusunut aningaasarsiaritaasartut aningaasarsisitsinerimut politikkkimut naapertuuttumik ingerlanneqarneri. Inatsisitigut piumasarisasaasut, niuernerup ilusaata imaanannngissusia aningaasarivimmilu ineriartorneq misissorneqartarput takuniarlugu navialiffiusinnaasuni akisussaasunik

inuttaliisimanagerit naammaguunnersut imal. qaffattariaqarnersut. Akissarsiat pillugit ataatsimiititaliap aamma nakkutigissavai aningaasarsiat qaavisigut nikerartumik annertussuseqartumik tunniussisarnerit, tassanilu isumannagassaralugu taamatut qaavatigut akissarsisitsisoqassanngimmat, akissarsialiisinnaanermut politikkimik tikkuunneqartut avaqqullugit. Akissarsiaqartitsisarnermullu ataatsimiititaliap aamma isumannaassava aningaaseriviup aningaasarsitseriaaasaata aningaaseriviup soqutigisaanik sulisullu akornanni ingerlasunik aporaatitsinnginnissaa. Ajunngitsorsiatut tunniunneqartartut pingaarnerit, navialiffiusinnaasunik suliaqartunut tunniunneqartartut ilanngullugit, akissarsiaqartitsinermut atatsimiititaliamut saqqummiunneqartarput.

### **Ukiumoortumik akissarsisitsisarnermut politikkimik misissuisarneq akuersisarnerlu**

Akissarsisitsisarnermut ataatsimiititaliap ukiut tamaasa akissarsialiisarneqartumik politikki misissortassavaat allannguutissanillu siunnersuuteqartarlutik, taamatullu pisoqartillugu siulersuisunut akuersisussanngortitsillutik saqqummiussaqaartassapput.

Siulersuisullu suliami saniatigut ukiumoortumik akissarsisitsisarnermut politikki misissortassavaat taanna aningaaseriviup ilusiligaanera aningaseriviup ineriartorneranut naapertuuttumik malinnaatissinnaajumallugu.

Akissarsisitsisarnermut politikkimik allannguisoqartillugu taamatut ittut siulersuisunut saqqummiunneqarlutik akuersisassanngortinneqartassapput kingornalu ataatsimeersuartunut akueqqitassanngortinneqartassallutik.

### **Akissarsisitsisarnermut politikkimik malinninnissaq tamatuminnqalu nakkutiginninneq**

GrønlandsBANKEN-imi siulersuisut pisussaaffigaat akissarsisitsisarnermut politikkimik pilersitsisarnissaq.

GrønlandsBANKEN-imi siulersuisut akissarsisitsisarnerup naapertuuttumik malinneqarnissaanut nakkutiginninnissamullu maleruagassanik aaliangiisassapput, ilaatigut isumannaarumallugu minnerpaamik ukiumut ataasiartumik akissarsiaqartitsinermut inatsisip malinneqarnera pinersoq. Misissuinermit paasisat angusallu siulersuisunut nalunaarutigineqartassapput.

21. februar 2020

Akissarsisitsisarnermut ataatsimiititaliap

Gunnar í Liða  
Siulittaasoq

Kristian Lennert  
Siulittaasup tullia

Yvonne Kyed  
Siulersisuni ilaasortaq